

# W In Gottes gna-

den Wir Augustus Herzog zu  
Sachsen / des heiligen Römischen Reichs Erzmarschall  
vnd Churfürst / Landgraff inn Düringen / Marggraff zu  
Meissen / vnd Burggraff zu Magdeburgk. Entbieten als  
len vnnnd jeden / vnsern Prelaten / Graffen / Herren / denen  
von der Ritterschafft / Oberhaupt vnd Amptleuten / Vors  
waltern / Schössern / Gleitsleuten / Bürgermeistern / Richz  
tern vnd Rächten der Stedte / Schultheissen / vnd in gemein  
allen vnsern Vnderthanen vnnnd vorwandten / Geistlichs  
vnnnd Weltlichs standes / auch denen / so sich vnser Schutz  
gebrauchen / vnd die sonsten in vnsern Landen ihren enthalt /  
handel / gewerb vnd genies haben / treiben vnd üben / vnsern  
grus / gnade vnnnd geneigten willen. Ehrwürdige / Wohl  
geborne / Edle / auch Wirdige liebe andechtige vnd getrew  
en / Welcher gestalt wir hieueorn / vnd sonderlich jüngst  
am dato den 8. Aprilis / dieses lauffenden Ein vnd Siebens  
zigsten Jars / vnserre offene Ausschreiben Publiciren lassen /  
vnd dorinnen euch ernstlichen befohlen / das ihr die Thaler /  
halbe Thaler / Orter / vnd andere kleine Münksorten / so inn  
des heiligen Reichs / vnd vnseren vorigen Münks Mandas  
ten vorbotten / gar nicht nehmen soltet / auch hierüber euch  
vorwarnet vnd vormanet haben / die Hispanischen vnnnd  
Burgundische / König Philips / etc. vnd andere zu gering  
befundene Thaler / auch Schwarzburgische vnd Mans  
feldische Spitzgröschlein / des gleichen die Marien / vnd ans  
dere geringe / ganze vnd halbe Braunschweigische groschen /  
in einer domals benannten zeit zuvorschieben vnnnd los zu  
werden / etc. dessen allen habt jr euch guter massen wol zu ers  
innern.

✻ ij